



Markus Elias Olsens tale ved Folketingets åbningsdebat

Taler

Markus Elias Olsen
Stedfortræder for Aki-Matilda
Høegh-Dam

Dato

5. oktober 2023

Sted

Folketingets talerstol,
Christiansborg

Omstændigheder

Talen foregår på grønlandsk og bliver dernæst af taleren selv oversat til dansk. Nedenstående er en helt uredigeret gengivelse af talerens eget manuskript. Der tages således forbehold for mulige fejl og mangler.

Den danske tale på video begynder 06:55.

Maani qeqarpunga nunarput inuiaqatikkalu sinnerlugit, tulluusimaarutigalugu kiisami politikikkut oqaatsivut sakkugalugit suleqataasinnaannngortugut, alloriarnerlu tamanna inuiattut immikkuullarissuunitsinnut nikisitseqataavoq annertoq; tassungalu killinniarneq inuttut inuiattullu akikitsuinnaasimannngilaq.

Tusagassiorfiit apersorput sooq Kalaallisut oqaluttariaqarnersunga qallunaatupalaarsinnaatillunga.

Oqaatsivummi sumiuunitsinnik kinaassutsitsinnillu ersersitseqataasut maani inimi kiisami akuerineqarsinnaalerput; taamaattoq uanni tamatsinullu pisariinnerpaasimassagualarpoq toqqaannaq Folketingip nammineq aaqqissuusaanik nutserunneqarsimasuuguma.

Nunatsinnimi sungiusimavarput Pingaartitavut Naleqartitavullu pineqaleraangata – aamma Namminersorluni Oqartussaanagerup ingerlatsiviini pimoorussineq takornartaasoq, massami allaat uagut nammineq nunatsinni takornartatut pineqartugut, oqaatsivut pisortatigoortumik pingaarnertut oqaasiugaluartut ilisimavarput tamanna oqaasiinnaasoq pimoorussinertaqannngitsoq!

Pissutsit sungiutiinnarsimasagut taamaattussaannartullu isigilersimasagut

unitsinniartigit.

Naalagaaffeqatigiinnerup oqaasiinnasup aqqani naligiinnginneq
ersarippallaqaaq, tamannalu akueriinnarneqarsinnaangilaq.

Taamaammat Naalagaaffeqatigiinnermut naligiiffiunngitsumut
maniguutiinnartussatut anngaaginnartarnerput killilertariaqalerparput.

Allaat timersornikkut nunanut allanut unammisartugut nunarput nammineq
sinnerlugu peqataasinnaanerat killilersorneqarpoq.

Inukulunnguaq kalaaleq Qallunaatut innuttaassuseqalerumalluni
piumasaqaatinut immersuisimasuuguni angusinngitsoorsimassagaluarnerpa?

Massa Inatsisitigut ukiut 70'it matuma siorna pinngitsaaliissummillusooq
pituttugaalluta, allaat Inatsisitigut kinaassusiagaalluta – kinaassutsittami
uppernarsaataani allassimavoq Danskusugut; danskiuvunga? Naagga!

Inatsisitigut danskiussusermut pilliutitut kikiattugaajuarnerput
akueriinnarsinnaajunnaarparput, tamannalu inuiattut
nikussaaleralluttuinnarnitsinni naammagilerparput!

FN'p tamanna immikkut nalunaarusiortartuisa aamma
uppernarsaqqammerpaat, inuttut inuiattullu missukutaanerput
ersoqqinneqarsinnaajunnaartoq.

Nunasiaasimanerput 1953'mi Tunngaviusumik Inatsisit aqcutigalugit
atorunnaarsinneqaraluartoq salloqittaatitut ippoq Inatsisitigut inuiattut
immitsinnut illersoriarfissaarulluta sulaq, qanoq ililluni eqqunngitsoq Inatsisit
atorlugit eqqortunngortinniarneqarsinnaagami?

Maannamut taajuut Naalagaaffeqatigiinneq kusassaataavoq HC
Andersenilluunniit oqaluttualiaatut tusaruminartiginngitsoq, piviusuupput
ilaatigut kanngunartulianik imaqartut, allaat kinguaassiutitigut
innarligaasimaneq inuiattut nungusaanertut taaneqarsinnaasoq, tamannalu
qallikkut qanoq sivilutigisumik attassinnaaripput apeqqusertariaqalerparput.

Pisimasut tamassa ilamininngui utoqqatsertariaqalerneramik kinguneqartartut.

Kikkut inuiaat allat imminut ataqqisut, imminullu tatigisut Naalagaaffiup allap ataani taamak pineqarsinnaappat?

Immitsinnut nikaginerput, ajukkunnerput nalligilersarnerpullu inuiattut inituallaqaaq.

Nuna imminut allaffissornikkut napatilersinnaangilaq inuusutissarsiutitigut tunisassiornikkullu akigissaartitsilluni qaffassaanermik annertuumik pilersitsinngippat?

Nuna oqaasiinnartigut atuuffeqanngitsunik Inatsisiliornikkut pilersinneqarsinnaangilaq.

Oqaatsit, iliuutsillu imminnut ataqatigiittariaqarput, taamaangippat suna tamarmi isasuussaaq upperineerullunilu.

Sooq qarmarsuup ataani nangilerluta sutsilerluta qinnuloortut pissuseqaannassaagut?

Statsministeri, nunasiaasimanerup qarmarsua suleqatigiilluta uppisinniartigu!

Nunarput Seqernup qinngorneratut Naalagaaffinngoraluttualersoq qanortoq issikkaluami kialaarnermik qinngorsimali.

Kilde

siumut.gl

Kildetype

Dokumentation på online medie

Tags

Debattale, Folketingstale, Politisk tale

Relateret

Christian Rabjerg Madsens tale ved Folketingets åbningsdebat
5. oktober 2023

Morten Dahlins tale ved Folketingets åbningsdebat
5. oktober 2023

Monika Rubins tale ved Folketingets åbningsdebat

5. oktober 2023

Alex Vanopslaghs tale ved Folketingets åbningsdebat
5. oktober 2023

Anna Falkenbergs tale ved Folketingets åbningsdebat
5. oktober 2023

Franciska Rosenkildes tale ved Folketingets åbningsdebat
5. oktober 2023

Inger Støjbergs tale ved Folketingets åbningsdebat
5. oktober 2023

Martin Lidegaards tale ved Folketingets åbningsdebat
5. oktober 2023

Mette Frederiksens tale ved Folketingets åbningsdebat
5. oktober 2023

Morten Messerschmidts tale ved Folketingets åbningsdebat
5. oktober 2023

Pelle Dragsteds tale ved Folketingets åbningsdebat
5. oktober 2023

Pernille Vermunds tale ved Folketingets åbningsdebat
5. oktober 2023

Pia Olsen Dyhrs tale ved Folketingets åbningsdebat
5. oktober 2023

Sjúrður Skaales tale ved Folketingets åbningsdebat
5. oktober 2023

Søren Pape Poulsens tale ved Folketingets åbningsdebat
5. oktober 2023

Aaja Chemnitz' tale ved Folketingets åbningsdebat
5. oktober 2023

URI

<https://www.dansketaler.dk/tale/markus-e-olsens-tale-ved-folketingets-abningsdebat>